

ILLYUSTRATIV RASM ISHLASH DARSLARIDA TA'LIM SIFATI VA SAMARADORLIGINI OSHIRISHNING DIDAKTIK IMKONIYATLARI

O'taboyev Baxtiyor Safarovich

*A.Qodiriy nomidagi JDPI, Tasviriy san'at va muhandislik grafikasi
kafedrasini o'qituvchisi, Jizzax, O'zbekiston
e-mail: utaboyevbaxtiyor@gmail.com*

Annotasiya. Umumiy o'rta ta'limgan fanlari tarkibidagi "Tasviriy san'at" o'quv fanining Davlat ta'limgan standartida kompozitsion faoliyat badiiy ta'limgan asosiy turlaridan biri sifatida belgilab qo'yilgan. Tasviriy san'at ta'limgan mazkur blokidagi o'quv materiallari asosida o'quvchilarning kompozitsion faoliyatini kompleks tashkil etishda 7-sinfning oxirgi choragi - "Kitobat san'ati" bloki, birinchidan, keng qamrovli imkoniyatlarni taqdim etadi.

Kalit so'zlar: illyustratsiya, rasm, hikoya, ertak, eskit, muqova

Аннотации. Государственный образовательный стандарт изобразительного искусства в общем среднем образовании определяет композиционную деятельность как один из основных видов художественного образования. Последняя четверть 7 класса, блок «Книжное искусство», предлагает широкий спектр возможностей для комплексной организации композиционной деятельности учащихся на основе учебных материалов этого блока художественного образования.

Ключевые слова: иллюстрация, рисунок, рассказ, сказка, эскиз, обложка.

Annotation. The State Educational Standard for the subject "Fine Arts" in general secondary education defines compositional activity as one of the main types of art education. The last quarter of 7th grade, the Book Art block, offers a wide range of opportunities for the complex organization of students' compositional activities based on the teaching materials in this block of fine arts education.

Keywords: illustration, picture, story, fairy tale, sketch, cover.

Umumiy o'rta ta'limgan fanlari tarkibidagi Tasviriy san'at o'quv fanining Davlat ta'limgan standartida kompozitsion faoliyat badiiy ta'limgan asosiy turlaridan biri sifatida belgilab qo'yilgan. Boshlang'ich sinflarda bu turdagani darslar o'quv dasturiga ko'ra namunaviy topshiriqlarda keltirilgan mavzular bo'yicha amalga oshiriladi. Tasviriy san'at ta'limgan mazkur blokidagi o'quv materiallari asosida o'quvchilarning kompozitsion faoliyatini kompleks tashkil etishda 7-sinfning oxirgi choragi - Kitobat san'ati bloki, birinchidan, keng qamrovli imkoniyatlarni taqdim etadi. Ikkinchidan, kitobat san'ati nafaqat 7-sinf tasviriy san'at ta'lmini. Balki, umuman mакtab tasviriy san'at ta'lmini yakunlovchi qismi bo'lganligi uchun ham o'quvchilarning barcha bilimlarini amaliy tatbiqini baholash mumkin bo'ladi, ya'ni tasviriy san'at ta'limgan

uzviylik va uzlusizlik prinsiplari asosida o‘quvchilarning Davlat ta’lim standartida belgilangan o‘quv kompetensiyalarini egallaganlik darajalarini baholash imkonini beradi. Shuning uchun ham tasviriy san’at darslari uzviyligini ta’minlashda illyustrativ rasm ishslash mashg‘ulotlarining imkoniyatlaridan foydalanish diqqat markazida bo‘lishi maqsadga muvofiq. Zero, unda tasviriy faoliyatning barcha turlarida o‘zlashtirilgan nazariy bilim hamda egallangan amaliy-tasviriy kompetensiyalarni tatbiq etishning didaktik imkoniyatlari mavjud. Ayni paytda ta’kidlash joizki, tasviriy san’at darslarida illyustrativ rasm ishslashda amal qilinishi lozim bo‘lgan talablar mavjud bo‘lib, ular quyidagilardan iborat:

- o‘quvchilarning boshlang‘ich hamda 5-6-sinflarda illyustrativ rasm ishslash darslarida o‘zlashtirilgan o‘quv materiallari asosida shakllantirilgan tasviriy-ijodiy kompetensiyalaridan foydalanish;
- tanlangan yoki tavsiya etilayotgan adabiy manbalar yuzasidan o‘quvchilarga kerakli tushuntirish berish. Bunda tanlangan asar syujetining murakkabligi, undan tasviriy kompozitsiya yaratish imkoniyatlarining murakkablashib borishini uzviylik prinsipi asosida bosqichma-bosqich to‘ldirib borishni nazarda tutish;
- tanlangan manbaning mazmunini taxlil qilish. Agar boshlang‘ich sinflarda o‘quvchilarga, asosan, mazmun jihatidan uncha murakkab bo‘lmagan xalq ertaklari syujetlari asosida illyustratsiyalar ishslash tavsiya etilib, o‘qituvchi savol-javob vositasida o‘quvchilarda illyustratsiya kompozitsiyasi uchun syujet, mavzu tanlashda o‘qituvchining tavsiyalari, maslahatlari hal qiluvchi rol o‘ynagan bo‘lsa, tasviriy san’at ta’limining oxirgi yilda bu tadborda o‘quvchilarga ijodiy faollik va mustaqillik berish tavsiya etiladi;
- illyustrativ rasm ishslash darslarida kitobat san’atining badiiy-grafik elementlarini yaratishga kompleks yondashish. Bu turdagи darslarda o‘quvchilarga kitobning strukturasi hamda kitobat san’atiga oid terminlar haqida kerakli ma’lumotlar berish lozim bo‘ladi. Agar boshlang‘ich sinflarda o‘quvchilar faqat illyustratsiya haqida tushunchaga ega bo‘lgan bo‘lsalar, 7-sinfda ular kitobat san’atining muqova, forzats, frontispis, shmutstitul, titul varag’i, bosh xarf (bosh xarflarning badiylashtirilgan variantlari), zastavka, illyustratsiya, konsovka kabi badiiy-grafik elementlarining lug‘aviy ma’nosi. Kitob strukturasi hamda arxitektonikasidagi o‘rni va funksiyasi haqida tushunchaga ega bo‘lishlari nazarda tutiladi. Bu omillar o‘quvchilarni tasviriy san’at ta’limining illyustrativ rasm ishslash turiga uzviylik va uzlusizlik prinsiplari asosida bosqichma-bosqich tayyorlab borish lozimligini anglatadi.

Topshiriqning oxirgi va o‘ta muhim bosqichi uch yo‘nalishda tashkil etilishi mumkin. Birinchi yo‘nalishda o‘quvchilarga katta hajmdagi

illyustratsiyalar ishlash tavsiya etilsa, ikkinchi yo‘nalishda jamoaviy faoliyat shaklida kitob maketini ishlash topshirig‘i berilishi mumkin. Ayrim toifaga mansub o‘quvchilarga san’atshunoslik yo‘nalishidagi topshiriqlar berilib, ular tarixiy-nazariy manbalarni, shuningdek, kitobat san’ati sohasida ijod qilgan ayrim rassomlarning hayoti va ijodini o‘rganish va tahlil qilish, umumlashtirish hamda hikoya qilishga tayyorgarlik ko‘rish bilan shug‘ullanadilar. Birinchi yo‘nalishda ishlaydigan o‘quvchilar bilan dars jarayonini tashkil etishda tasviriy san’at ta’limining kompozitsion faoliyat turidagi didaktik talablarga amal qilinadi: komponovka, rang tuslari, kontrastlik, tasviriy material va vositalar (chiziq (shtrix) turlari — ingichka, qalin, och, to‘q, ularning yo‘nalishlari va shakllari va h.k.), tasvirlash texnikasi, harakat va dinamika, ritm kabi komponentlarga amal qilish talab etiladi.

Ikkinci yo‘nalishda ishlovchi o‘quvchilarning faoliyati jamoaviy ijodiy faoliyat tarzida tashkil etilib, bu jarayonni tashkil etishda ularning individual-ijodiy qobiliyatlari, tasviriy imkoniyatlari va layoqatlari, qiziqishlari e’tiborga olinadi. Bu yondashuv shuni anglatadiki, tabiiy ravishda qaysidir o‘quvchi kitobat san’atning badiiy-grafik elementlaridan biror bir turini, masalan, bosh harfni naqshinkor shaklda bezashga qiziqsa, boshqasi kichik o‘lchamdagি rasmlar - zastavkalar ishlashga, yana boshqasi esa kattaroq illyustratsiyalar ishlashga qiziqadi. O‘qituvchining vazifasi o‘quvchilarning bu qiziqishlariga differensial yondashgan holda ijodiy jamoa shakllantirishdan iborat bo‘ladi. Bu jamoaning ishlarini birlashtirib kitob maketini yasashda o‘qituvchining o‘zi ham ishtirok etadi. Uning natijasi yaxlit kompozitsiya - kitob maketini yaratish bilan yakunlanadi. Dars - ijodiy jarayonning natijasi, shubhasiz, o‘quvchilarda ijodiy ko‘tarinkilik, faollik kayfiyatini yuzaga keltiradi. Piravordida ular tasviriy faoliyatning boshqa turdagи topshiriqlarga ham kreativ tarzda yondashishga o‘rganib boradilar.

Uchinchi yo‘nalishda bevosita tasviriy faoliyat ko‘rsatishdan ko‘ra uning tarixi va nazariyasini, ayrim rassomlarning hayoti va ijodini o‘rganishga ko‘proq qiziqish bildirayotgan o‘quvchilar bilan qatorda kitob bezovchi rassomlarning hayoti va ijodini o‘rganish bilan shug‘ullanadilar. Mazkur yo‘nalishda bir necha rassom tomonidan ishlangan illyustratsiyalarni qiyosiy o‘rganish yaxshi samara beradi. Masalan, Telman Muhamedov hamda Abduboqi G‘ulomovlarning “O‘zbek xalq ertaklari” hamda “Afandi latifalari” asarlariga ishlangan turkum illyustratsiyalarni qiyosiy-tahliliy o‘rganish metodi asosida o‘quvchilarda illyustrator rassomlarning ijodiy ipdividualligini ochib berish, tavsiflash malakalari shakllantiriladi. Bunday misollarni jahon tasviriy san’ati, kitob illyustarsiyasi misolida ham ko‘plab keltirish mumkin. Mashhur ispan yozuvchisi Servantesning “Don ki xot” asariga turli zamonalarda turli rassomlar

(Xose del Kostil - 8-asr; Gyustav Dore va Onore Dome -19-asr; Xegenbart, Kukriniksilar, Pablo Pikasso - 20-asr) tomonidan ishlangan illyustratsiyalar bunga misol bo‘la oladi. Shuningdek, Sharq tasviriy san’atida bir asarga bir necha musavvirlar tomonidan turli davrlarda ishlangan miniatyura-illyustratsiyalar ham qiyosiy tahlil uchun muhim manbaa sifatida illyustrativ rasm ishslash darslarining didaktik imkoniyatlarini boyitadi.

Tasviriy san’at darslarida illyustrativ rasm ishslash darslari didaktik ketma-ketlik, mantiqiy uzviylik va uzlusizlik nuqtai nazaridan quyidagi bosqichlarda amalga oshiriladi va ta’kidlash joizki, bu ketma-ketlikka amal qilish tasviriy san’at darslari samaradorligini oshirishning muhim omili ekanligi tajribada o‘z tasdig‘ini topdi.

Tayyorgarlik bosqichi. O‘qituvchi illyustrativ rasm ishslash darslariga oldindan tayyorgarlik ko‘rib kelish uchun o‘quvchilarga topshiriq va tavsiyalar beradi, ya’ni o‘quvchilar mazkur darsga kerakli tushuncha va tasavvurlar bilan kelishlari, ular muayyan manbaa va undan illyustrativ rasm ishslash uchun syujetga asos bo‘ladigan tasavvurga ega bo‘lishlari talab etiladi.

O‘qituvchining dars mazmuni va yo‘nalishini tushuntirish bosqichi. Bu bosqichda o‘quvchilar tomonidan bajariladigan ishlar nimadan boshlanib, qanday yakunlanishi xususida aniq ko‘rsatma va tavsiyalar beriladi. Bu bosqichda o‘qituvchining ishonchli tavsiyasi, tushuntirishi muhim rol o‘ynaydi. Chunki o‘quvchi bo‘lajak faoliyat haqida aniq tasavvurga ega bo‘lishi uning tasviriy faoliyatini ongli tarzda kechishini ta’minlaydi.

Topshiriq yuzasidan eskizlar ishslash bosqichi. Ma’lumki, har qanday tasviriy faoliyat, u tasviriy san’atning qaysi turi va janrida amalga oshirilishidan qat’i nazar eskizlar ishslashdan boshlanadi. Shuning uchun ham professional rassomlar asar yaratishdan oldi uning g‘oyasini kompozitsion yechimga ega bo‘lishi uchun eskiz sifatida bir necha variantlar ishlaydilar. Eskizlarda kompozitsiyaning alohida detallaridan tortib, kompozitsiyaning yakuniy yechimigacha hal etib olinadi. Professional tasviriy faoliyatning bu metodidan maktab tasviriy san’at ta’limida ham foydalanish tavsiya etiladi. Agar o‘quvchi o‘qituvchining oldindan bergen topshirig‘iga asosan qoralama-eskizlar ishlab kelgan bo‘lsa, ular muhokama qilinib, o‘quvchi tomonidan kerakli tavsiyalar beriladi, tuzatishlar va qo‘srimchalar kiritiladi.

O‘quvchilarning eskizlar bilan ishslash kompetensiyalarini shakllantirish ham ta’limiy, ham tarbiyaviy ahamiyat nuqtai nazaridan juda muhim tadbir bo‘lib, bu omil o‘quvchilarni tasviriy faoliyatini to‘g‘ri tashkil etish imkonini beradi. U mashqlarning ta’limiy ahamiyati shundaki, mazkur jarayonda o‘quvchilar tasviriy san’atning ayrim qonuniyatlarini amaliy tatbiqi borasidagi nazariy bilim va amaliy komprensivalarini takomillashtirib boradilar.

Tarbiyaviy ahamiyati esa o‘quvchilar ongida yordamchi vositalarning ahamiyati, izlanish jarayonlari yakuniy natijani samarasini ta’minlovchi muhim vosita, omil ekanligini anglab borishlarida o‘z aksini topadi.

Foydalilaniganabiyotlar

1. Mirziyoev SH.M. Buyuk kelajagimizni mard va olidianob xalqimiz bilan birga quramiz. - T.: O’zbekistan, 2017. 488 b.
2. Mirziyoev SH.M. Tanqidiy taxlil, qatiy tartib-intizom va shaxsiy javobgarlik - har bir rahbar faoliyatining kundalik qoidasi bo’lishi kerak. Toshkent. O’zbekiston, 2017. 1046 b.
3. Bivalseva M.V. Illyustriruem skazki s radostyu. / “Nachalnaya shkola”. №1 — 2003. S. 59-62.
4. Vilde T.N. Illyusgirirovanie narodnmx skazok na urokax tematicheskogo risovaniya / “Nachalnaya shkola”. №1 — 2003. S. 57 - 59.
5. Golubeva I. Kniga i obraz. Formirovanie individualnogo xudojestvennogo yazja / журнал “Iskusstvo v shkole”. 2009. № 3. S. 14 - 18.
6. Ibragimov A., Sulaymonov A. Kitobat san’atiga oid terminlarning izohli-illyustrativ lugati. - Toshkent: “Fan”, 2007. - 80 b.
7. Kamoliddin Behzod. Albom. Tuzuvchilar: E.Ismoshyuva, 3. Rahimova. - Toshkent: “San’at” nashriyoti, 2000. -40 b.
8. Madraimov A. O’zbekiston miniatyura san’atini o‘rganish muammolari / Jurnal. “San’at”. 2015,2-son. - 25 — 27-6.
9. Ortiqova, O. (2021). AMALIY MASHG’ULOTLARNI ZAMON TALABI ASOSIDA TASHKIL QILISH. *Физико-технологического образования*, 4(4).
10. Шарипов, Ш. С. (2017). Personality model of modern teacher. *Eastern european Scientific Journal—Germany*, 93-96.
11. Шарипов, Ш. С. (2000). Педагогические условия формирования изобразительского творчества студентов (на примере факультетов Труда и профессионального образования)
12. Orishev, Jamshid (2021) "PROJECT FOR TRAINING PROFESSIONAL SKILLS FOR FUTURE TEACHERS OF TECHNOLOGICAL EDUCATION," *Mental Enlightenment Scientific-Methodological Journal*: Vol. 2021 : Iss. 2 , Article 16.
13. Тагаев, Х., Убайдуллаев, С., Алкаров, К. Х., & Оришев, Ж. Б. (2016). ПОВЫШЕНИЕ ПАТЕНТНЫХ ЗНАНИЙ В ПРОЦЕССЕ ОБУЧЕНИЯ. In *Современные тенденции развития аграрного комплекса* (pp. 1776-1780).

- 14.Алқаров, Қ. Х., Ибрагимов, А. Р., & Пардаев, Б. А. (2019). ТҮГАРАК АЪЗОЛАРИНИ ИЖОДКОРЛИК ФАОЛИЯТГА ТАЙЁРЛАШНИНГ ТАРКИБИЙ ҚИСМЛАРИ ВА БОСҚИЧЛАРИ. *Интернаука*, (20-3), 51-52.
- 15.Alqorov, Q. (2020). Мухандислик таълимида талабалар техник ижодкорлик қобилияти ривожлантириш технологияси. *Архив Научных Публикаций JSPI*.
- 16.Тагаев, Х., Алкароров, К. Х., Каримов, О. О., & Юлдашев, М. (2019). Педагогические основы обеспечения стабильности роста и развития системы научно-технического творчества студентов (Модель "Руководитель – Участник - Творческая деятельность"). *Поволжский педагогический поиск*, (2), 112-119.
- 17.Тагаев, Х., Алкароров, К. Х., Артикова, О. Ш., & Мамаджанова, К. А. (2016). ПАТЕНТ-КАК ЯДРО И СТРАТЕГИЧЕСКИЙ ШАГ ВПЕРЕД К НОВЫМ ВЫСОТАМ ТЕХНИЧЕСКОЙ И ИНЖЕНЕРНОЙ МЫСЛИ. In *Современные тенденции развития аграрного комплекса* (pp. 1773-1776).
- 18.Xudoyberdiyev, P. (2020). TASVIRIY SAN'ATDAN AMALIY MASHG'ULOTLAR BAJARISH JARAYONIDA TALABALARNI AMALIY PYERSPYEKTIVADAN FOYDALANISHGA O'RGGATISH. *Science and Education*, 1(8).
- 19.Xudoyberdiyev, P. (2021). RANGTASVIR TARAQQIYOTINING USTUVOR YO 'NALIShLARI. *Журнал музыки и искусства*, 2(2).
- 20.Xudoyberdiyev, P. (2020). TASVIRIY SAN'AT DARSLARIDA FAOLIYAT TURLARI ALOQADORLIGI ASOSIDA TA'LIM SIFATI VA SAMARADORLIGINI OSHIRISHNING METODIK ASOSLARI. *Журнал музыки и искусства*, 1(1).
- 21.Xudoyberdiyev, P. (2020). European Journal of Research and Reflection in Educational Sciences: European Journal of Research and Reflection in Educational Sciences. *Архив Научных Публикаций JSPI*.